

Nunap immikkoortuani pisortaq – Region Kujataa

Inuttassarsiuussat: 22-07-2025

Sumiiffik: Narsaq, Nanortalik imaluunniit Qaqortoq | Atorfiniffissaq: 1. september 2025 imaluunniit isumaqatigiissuteqarnikkut

Aqutsisutut atorfittaarusuppit Nunatsinnilu nioqquteqarnermi ingerlatsisut annersaanni qaffakkiartorusullutit? Taava maan-nakut periarfissaqalerputit.

KNI nioqqutissaqarnermi immikkoortortaqaarfia angusaqarusussusilimmik kajumissaarisinnaasumillu nunap immikkoortuani Kujataani nutaamik nunap immikkoortuanut pisortassarsiorpoq, ulloq 1. september 2025 imaluunniit isumaqatigiissuteqar-nikkut sulilersussamik. Pisiniarfiit 14-it ingerlanneqarnerinut akisussaasussaatit. Pisiniarfiit akisussaaffigiligassatit Arsum-miit Narsarmijinoorput.

Tuniniaanermi pisortaq qaninnertut pisortarissavat kiisalu nunap immikkoortuini allani tallimaasuni pisortaasut peqatigalu-git Pilersuisumi aqutsisoqatigiinnut ilaassallutit.

Isumaqatigiissuteqarnikkut Narsami, Nanortalimmi Qaqortumiluunniit suliffeqarsinnaavutit. Illoqarfiit taakku tamarmik nunap immikkoortuani pisiniarfinnut aqutsisunullu akisussaaffigisassannut qitiusumik inissisimapput.

Atorfik pillugu

Nunap immikkoortuani pisortatut suleqatinnik coacherisinnaassaatit. Sulisutit siuttuuffigalugit kajumissaarnissai merse- rin-ngilat kiisalu pisiniarfiit qularnaatsumik ingerlanneqarnissaat pisisartullu pisiniarnerminni pitsaasumik misigisaqartinnissaat merse- rinngilat. Suliassat naammassinissaasa tungaanut malinnaavigisarpavit pisiniarfiillu akisussaaffitit tuniniaanissaminnut piareeqqanissaat isumaguassavat, soorunami tamanna pissaaq nunami immikkoortorisanni niuertut/pisiniarfiit pisortaat suleqatigalugit. Ukiup ingerlanerani nunap immikkoortuani pisiniarfinnut alakkaallutit angalasarnissat naatsorsuutigissavat. Angalasarnissat qilanaarutigiinnarsinnaavat, tassami sulisut pikkorissut ilassilluassagaatsit neriorsorsinnaavatsigit.

Makku akisussaaffigissavatit:

- Nunap immikkoortuani pisiniarfiit ingerlanneqarnissaat qulakkiissavat
- Sulisutit sungiusartissavatit, ilinniartissavatit, aqussallugit kajumissaassallugillu
- Missingersuusiorneq ingerlatsinermilu akisussaaneq
- Kisitsisinik aallaavissanik malinnaaviginninneq nunallu immikkoortuata anguniagaanut atorlugit
- Inatsisit atuuttut malinneqarnissaat qulakkeerlugu

- Sulisoqarnermut immikkoortortaarfik suleqatigalugu sulisussarsisarnissaq
- Pisiniarfiit ulluinnarni ingerlanneqarnerini suleqataaneq.

Ilinnut tunngasut

Naleqquttumik aqutsisutut ilinniagaqartuuvutit unammillerfiusumillu sulisimallutit, kiisalu sulisut pitsaasumik angusaqarnissaanni iluatsittumik kajumissaariffiusumillu aqutsisuuffiginikuullugit. Immaqa massakkut pikkorissuullutit angusaqarusususeqartuullutillu pisiniarfimmi pisortaavutit, niuertuullutit imaluunniit suliffeqarfimmi periarfissarpassualimmi anguniagarfiuullarsinnaasumilu sulilernissamut qaffassarnissamullu tunuliaqutaqarputit nutaamillu misilitaqarusullutit.

Taakku saniatigut naatsorsuutigaarput:

- Misigittartuussasutit, kajumissaarillaqqissuussasutit kiisalu akuersaarnartumik aqutseriaaseqartuusutit
- Akisussaassuseqarlutit suliaasnik suliaakkiutiginnissinnaasutit naammassinissaasalu tungaanut malinnaavigisinnaa-gitit
- Angusaqarusussuseqartuusutit niullaqqissuullutillu
- Kiffartuussilluarumasuusutit pisiniarfimmilu pisiniarnermi pitsaasunik atugassaqaartitsisinnaasutit

Neqeroorutigaaqut:

- Piginnaasat naapertorlugit isumaqatigiissuteqarnikkut akissaateqartitaaneq atugassarititaasullu orniginartut
- Atorfimmut atatillugu illoqarfiup avataanersunut inissaqaartitsisoqassaaq, tassungalu inatsisit malillugit qularnaveeqqut, ineqarnermut akiliut, atuineq il.il. akilerneqartassapput
- Nuunnermi angalanermi, kiisalu pequtit angallannerannut akiliunneqarneq

Atorfimmut soqutiginnillutit paasisaqarnerorusukkuit tuniniaanermi pisortaq Jonas Aronsen attavigisinnaavat oqara-suaammut sianerfigalugu +299 86 23 40, mobil +299 59 03 71 imaluunniit mail-ikkut uunga joa@kni.gl.

Qinnuteqaat

Qinnuteqaat sukumiisumik tunngavilersugaq pineqaatissiisarneq pillugu allagartaq, ilinniarsimanermut siusinnerusukkullu sulisimanermut allattukkanik imalik (CV), oqaaseqaatit aammalu sulisitsisorisimasappit attaveqarfiginissaanut paasisu-tissaq, tigoreersimassavarput **kingusinnerpaamik ulloq 17. august 2025.**

Qinnuteqaat uunga nassiunneqassaaq:

KNI A/S

Sulisoqarnermut immikkoortortaarfik

Postboks 319

3911 Sisimiut

Email: jobs@kni.gl

Kalaallit Nunaanni inuiaqatigiinni sukkasoorujussuarmik ineriartorneqarpoq, aammalumi KNI-mi taamaappoq. Tassanimi inuuniarnermi pinngitsoorneqarsinnaanngitsunik pilersuineq aqutigalugu nuna siammasissorujussuaq ataatsimoortinneqarpoq.

Kiffartuussivik Sisimiuniippoq, Kalaallit Nunaanni illoqarfiit annersaata tulliani, Qaasuitsup Killeqarfianut qanittumi inissimasumi. Kalaallillu Nunaat tamakkerlugu 900-it eqqaasiorlugit amerlassusilinnik sulisoqarpugut, ukiumullu 2,5 mia. kr.-it pallillugit kaaviiartittarlutigit.

Suliffeqarfissuarmik paasisimanninneq aamma tassaavoq Kalaallit Nunaata oqaluttuassartaanik, inuiaqatigiit aqqissuusaanerannik ineriartornerannillu paasisimasaqarneq. Silarsuarmut akisussaaffilimmut unammilligassanillu qaangerniagassalimmut tikilluarit. KNI-p silarsuaanut tikilluarit.

